

Na osnovu člana 16. stav (2) Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članom 33. stav (1) i članom 52. stav (1) Zakona o izvršavanju Budžeta Zeničko-dobojskog kantona za 2025. godinu, („Službene novine Zeničko-dobojskog kantona“, broj: 25/24 i 6/25), na prijedlog Ministarstva za privredu/gospodarstvo, Vlada Zeničko-dobojskog kantona, na 83. sjednici, održanoj dana 30.05.2025. godine, d o n o s i

ODLUKU

o usvajanju Programa utroška budžetskih sredstava u 2025. godini (Subvencije privatnim preduzećima i poduzetnicima) - Izvor 10

Član 1.

(Predmet)

Usvaja se Program utroška budžetskih sredstava u 2025. godini - (Subvencije privatnim preduzećima i poduzetnicima) - Izvor 10 Ministarstva za privredu, u iznosu 4.300.000,00 KM (slovima: četirimilionatristotinehiljada konvertibilnih maraka), koji čini sastavni dio ove Odluke.

Član 2.

(Način realizacije)

Sredstva planirana ovim Programom utroška sredstava, realizovati će se isključivo u skladu sa realizacijom ostvarenih javnih prihoda u Budžetu Kantona u prethodnom mjesecu i planovima novčanih tokova Budžeta Zeničko-dobojskog kantona te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

Član 3.

(Realizacija Odluke)

Za realizaciju ove odluke zadužuju se Ministarstvo za privredu i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i objaviti će se u „Službenim novinama Zeničko-dobojskog kantona“.

Broj: 02-11-11011/25

Datum, 30.05.2025. godine

Zenica

PREMIJER
po ovlaštenju

Dženana Čišija

DOSTAVLJENO:

1x Ministarstvo za privredu,

1x Ministarstvo finansija,

1x „Službene novine Zeničko-dobojskog kantona“,

1x a/a.



PROGRAM
UTROŠKA BUDŽETSKIH SREDSTAVA ZA 2025. GODINU
(Subvencije privatnim preduzećima i preduzetnicima) – Izvor 10

Zenica, maj 2025. godine

PROGRAM
UTROŠKA BUDŽETSKIH SREDSTAVA U 2025. GODINI
(Subvencije privatnim preduzećima i poduzetnicima) - Izvor 10

I ZAKONSKI OSNOV ZA DONOŠENJE PROGRAMA UTROŠKA BUDŽETSKIH SREDSTAVA U 2025. GODINI

Zakonski osnov za donošenje Programa utroška budžetskih sredstava u 2025. godini (Subvencije privatnim preduzećima i poduzetnicima) – Izvor 10 sadržan je u članu 33. stav (1) i članu 52. stav (1) Zakona o izvršavanju budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24 i 6/25) i odredbama Zakona o poticanju razvoja male privrede („Službene novine Zeničko-dobojskog kantona“, broj: 7/16 i 7/20).

Program je usuglašen sa Strategijom razvoja Zeničko-dobojskog kantona za period 2021-2027 godina, te sa nadležnostima Ministarstva za privredu.

II IZVOR FINANSIRANJA

Budžetom Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24), planirana su finansijska sredstva, ekonomski kod 614500 – Subvencije privatnim preduzećima i poduzetnicima- Izvor 10 u iznosu od **4.300 000,00 KM**.

III ALOKACIJA SREDSTAVA

Imajući u vidu raspoloživa sredstva, te obaveze koje proizilaze iz Godišnjeg plana rada Ministarstva za privredu Zeničko-dobojskog kantona za 2025. godinu i Programa rada Vlade Zeničko-dobojskog kantona za 2025. godinu, Ministarstvo za privredu je planiralo utrošak sredstava, na sljedeći način:

1. RAZVOJ KONKURENTNOSTI PRIVREDE

Indikatori: Prihodi preduzeća, iznos izvoza, broj novih radnih mjesta, broj novocertificiranih preduzeća, vrijednost ostvarenih investicija u nova sredstva

Iznos: 2.000 000,00 KM

Svrha:

Jačanje preduzeća sa područja Zeničko-dobojskog kantona kroz tehnološko unapređenje proizvodnih procesa, digitalnoj transformaciji MSP-a, umrežavanje sa inostranim tržištima i poslovnim partnerima, sa posebnim fokusom na sektore sa najvećim potencijalom za ekonomski rast.

Povećati konkurentnost preduzeća na inostranom i domaćem tržištu kroz podršku procesu uvođenja standarda i sistema kvaliteta, te jačanjem njihove sposobnosti da posluju na međunarodnim tržištima. Unaprijediti digitalna znanja i vještine radnika što će doprinijeti stvaranju kvalitetnih radnih mjesta prema potrebama preduzeća kao i sveobuhvatno jačanje ponude na tržištu rada u Zeničko-dobojskom kantonu te unaprijediti pristup tržištu, odnosno promovisati proizvode na tržištima a u cilju podizanja konkurentnosti MSP.

Vlada Kantona će refundirati dio troškova za nabavku opreme i mašina (stalna sredstva) za obavljanje djelatnosti, uvođenje standarda, novih procesa i kontrola kvalitete, dio troškova obuke u svrhu

unapređenja digitalnih znanja i vještina radnika, pristup tržištu, promocija proizvoda MSP, korištenje obnovljivih izvora energije.

Radi obavještanja korisnika o mogućnostima dobivanja sredstava poticaja, odluka se objavljuje u sredstvima javnog informisanja u formi javnog poziva za dodjelu poticajnih sredstava na službenoj web stranici Kantona.

Organizacija-primatelj: Privredni subjekti sa registrovanim šiframa djelatnosti prema kriterijima

Kriteriji: Ministarstvo će raspisati javni poziv za dodjelu sredstava, u skladu sa Uputstvom za dodjelu sredstava u 2025. godini na koji Vlada Zeničko-dobojskog kantona daje saglasnost, članom 34. stav (2) Zakona o izvršavanju Budžeta Zeničko-dobojskog kantona za 2025. godinu, koristeći Smjernice o minimalnim standardima dodjele budžetskih sredstava putem transfera i subvencija („Službene novine Federacije BiH“, broj: 37/24), u mjeri u kojoj je primjenjivo, Javni poziv će, u skladu sa Uputstvom za dodjelu sredstava u 2025. godini, tačkom 26.c. Smjernica o minimalnim standardima dodjele budžetskih sredstava putem transfera i subvencija, sadržavati pisane kriterije na osnovu kojih će se izvršiti dodjela sredstava, sve u cilju efikasne, ekonomične i efektivne upotrebe budžetskih sredstava.

2. RAZVOJ TURISTIČKE INFRASTRUKTURE, TURISTIČKIH DESTINACIJA I PONUDE

Indikatori: Broj turističkih posjetitelja, broj turističkih noćenja, prihodi od turizma, broj dolazaka i noćenja domaćih turista, stopa korištenja kapaciteta, broj uređenih turističkih destinacija, ukupne investicije u hotelijerstvu i ugostiteljstvu

Iznos: 900.000,00 KM

Svrha:

U cilju unaprjeđenja turističke ponude Kantona, te intenziviranje razvoja turističke infrastrukture i suprastrukture, a samim tim i uticaja na zapošljavanje i razvoj Zeničko-dobojskog kantona, Vlada Kantona će subvencionirati dio troškova realizacije projekata koje realizuju općine/gradovi, mjesne zajednice, udruženja, fondacije i privredni subjekti (pravna i fizička lica) sa sjedištem u Zeničko-dobojskom kantonu, kao što su priprema i organizacija obnove i/ili izgradnje objekata turističke infrastrukture i suprastrukture:

- kupališta i plaže na rijekama i jezerima,
- turistički informativni centri,
- odmorišta pored puteva,
- otvoreni objekti sportske rekreacije i rekreacije za djecu,
- male umjetne akumulacije sa kupalištem,
- zabavno rekreativne staze i puteve (trim staze, staze zdravlja, vidikovci, panoramski putevi, biciklističke staze, pješačke staze, ski staze i slično),
- objekti za predah i kraće zadržavanje turista,
- kućice za organizaciju vjerskih i novogodišnjih praznika,
- izrada i održavanje turističke signalizacije,
- objekata kulturno-historijskog naslijeđa i
- smještajni kapaciteti, rekreacijski i drugi sadržaji u sklopu ugostiteljskih objekata za smještaj.

Pravo na dodjelu sredstava poticaja za realizaciju projekata imaju općine/gradovi, mjesne zajednice, udruženja i fondacije registrirane prema Zakonu o udruženjima i fondacijama („Službene novine Federacije BiH“, broj: 45/02), čije su dominantne aktivnosti vezane za djelatnosti turizma na području Zeničko-dobojskog kantona, i privredni subjekti (pravne i fizičke osobe) sa sjedištem u Zeničko-dobojskom kantonu i registriranim šiframa djelatnosti prema kriterijima.

Radi obavještanja korisnika o mogućnostima dobijanja sredstava poticaja odluka se objavljuje u sredstvima javnog informisanja u formi javnog poziva za dodjelu poticajnih sredstava na službenoj web stranici Kantona.

Organizacija-primatelj: Općine/gradovi, mjesne zajednice, javne institucije, udruženja i fondacije, privredni subjekti

Kriteriji: Ministarstvo će raspisati javni poziv za dodjelu sredstava, u skladu sa Uputstvom za dodjelu sredstava u 2025. godini na koji Vlada Zeničko-dobojskog kantona daje saglasnost, članom 34. stav (2) Zakona o izvršavanju Budžeta Zeničko-dobojskog kantona za 2025. godinu, koristeći Smjernice o minimalnim standardima dodjele budžetskih sredstava putem transfera i subvencija („Službene novine Federacije BiH“, broj: 37/24), u mjeri u kojoj je primjenjivo, Javni poziv će, u skladu sa Uputstvom za dodjelu sredstava u 2025. godini, tačkom 26.c. Smjernica o minimalnim standardima dodjele budžetskih sredstava putem transfera i subvencija, sadržavati pisane kriterije na osnovu kojih će se izvršiti dodjela sredstava, sve u cilju efikasne, ekonomične i efektivne upotrebe budžetskih sredstava.

3. SUBVENCIONIRANJE PROJEKATA RAZVOJNIH AGENCIJA

Indikatori: Promicanje poduzetničkog duha, privlačenje domaćih i stranih investicija, promocija domaće privrede, domaće proizvodnje i domaćih proizvoda.

Iznos: 100.000,00 KM

Svrha:

Planirana sredstva će se koristiti za subvencioniranje troškova projekata razvojnih agencija sa područja Zeničko-dobojskog kantona, pod uslovom da se redovno poslovanje razvojne agencije ne finansira iz sredstava budžeta Zeničko-dobojskog kantona i da se projekt realizuje na području Zeničko-dobojskog kantona.

Namjena poticajnih sredstava je:

- organizacija i izvođenje obuke poduzetnika,
- unaprijeđenje poduzetničkih zona i inkubatora,
- unaprijeđenje poslovnih, inovacijskih i tehnoloških parkova,
- nabavka opreme koja će se koristiti u edukativne svrhe,
- izrada strateških dokumenata za područje Zeničko-dobojskog kantona,
- realizacija projekata privrednih potencijala Zeničko-dobojskog kantona i
- aktivnosti u cilju promocije domaće privrede, domaće proizvodnje i domaćih proizvoda.

Radi obavještanja korisnika o mogućnostima dobijanja sredstava poticaja, odluka se objavljuje u sredstvima javnog informisanja u formi javnog poziva za dodjelu poticajnih sredstava na službenoj web stranici Kantona.

Organizacija-primatelj: Razvojne agencije

Kriteriji: Ministarstvo će raspisati javni poziv za dodjelu sredstava, u skladu sa Uputstvom za dodjelu sredstava u 2025. godini na koji Vlada Zeničko-dobojskog kantona daje saglasnost, članom 34. stav (2) Zakona o izvršavanju Budžeta Zeničko-dobojskog kantona za 2025. godinu, koristeći Smjernice o minimalnim standardima dodjele budžetskih sredstava putem transfera i subvencija („Službene novine Federacije BiH“, broj: 37/24), u mjeri u kojoj je primjenjivo, Javni poziv će, u skladu sa Uputstvom za dodjelu sredstava u 2025. godini, tačkom 26.c. Smjernica o minimalnim standardima dodjele budžetskih sredstava putem transfera i subvencija, sadržavati pisane kriterije na osnovu kojih će se izvršiti dodjela sredstava, sve u cilju efikasne, ekonomične i efektivne upotrebe budžetskih sredstava.

4. SUBVENCIONIRANJE ORGANIZACIJE I UČEŠĆA NA MEĐUNARODNIM SAJMOVIMA, PRIVREDNIM SUSRETIMA I MANIFESTACIJAMA

Indikator: Interesno umrežavanje poduzetnika i obrtnika, očuvanje i promocija poduzetničke i obrtničke tradicije, kulturnog i povijesnog naslijeđa, tradicionalnih i starih obrtničkih djelatnosti, promociji turističkih destinacija, raspoloživih resursa

Iznos: 400.000,00 KM

Svrha:

Gubitak tržišta te povrat povjerenja kupaca za mnoge privredne subjekte predstavlja jedan od najvećih problema. Planirana sredstva će se koristiti za subvencioniranje troškova organizacije značajnih sajmova, privrednih susreta i manifestacija, troškova učešća privrednih i drugih subjekata na sajmovima, privrednim susretima i manifestacijama, troškova kolektivnih nastupa na sajmovima, privrednim susretima i manifestacijama, a u cilju promocije privrednika i privrednih potencijala, tradicionalnih i starih obrtničkih djelatnosti, turističkih destinacija i sadržaja.

Radi obavještanja korisnika o mogućnostima dobivanja sredstava poticaja za subvencioniranje troškova organizacije značajnih sajmova, privrednih susreta i manifestacija, troškova učešća privrednih i drugih subjekata i troškova kolektivnih nastupa na sajmovima, privrednim susretima i manifestacijama, odluka se objavljuje u sredstvima javnog informisanja u formi javnog poziva za dodjelu poticajnih sredstava na službenoj web stranici Kantona.

Organizacija-primalac: Općine/gradovi, javne institucije, udruženja, privredni subjekti

Kriterij: Ministarstvo će raspisati javni poziv za dodjelu sredstava, u skladu sa Uputstvom za dodjelu sredstava u 2025. godini na koji Vlada Zeničko-dobojskog kantona daje saglasnost, članom 34. stav (2) Zakona o izvršavanju Budžeta Zeničko-dobojskog kantona za 2025. godinu, koristeći Smjernice o minimalnim standardima dodjele budžetskih sredstava putem transfera i subvencija („Službene novine Federacije BiH“, broj: 37/24), u mjeri u kojoj je primjenjivo, Javni poziv će, u skladu sa Uputstvom za dodjelu sredstava u 2025. godini, tačkom 26.c. Smjernica o minimalnim standardima dodjele budžetskih sredstava putem transfera i subvencija, sadržavati pisane kriterije na osnovu kojih će se izvršiti dodjela sredstava, sve u cilju efikasne, ekonomične i efektivne upotrebe budžetskih sredstava.

5. SUBVENCIONIRANJE PROJEKATA UDRUŽENJA I KOMORA

Indikator: Edukacija poduzetnika, izrada promotivnih materijala, organizacija sajmova, privrednih susreta i manifestacija, sudjelovanje na sajmovima, privrednim susretima i manifestacijama, aktivnosti u cilju promocije domaće privrede, domaće proizvodnje i domaćih proizvoda.

Iznos: 70.000,00 KM

Svrha: U cilju intenziviranja aktivnosti komora i udruženja, naročito njihovog djelovanja na područje proizvodnih djelatnosti, a samim tim i utjecaj na zapošljavanje i razvoj Zeničko-dobojskog kantona, Vlada Kantona će subvencionirati dio troškova realizacije projekata iz programa rada ovih organizacija, kao što su:

- priprema i organizacija edukacije preduzetnika,
- priprema i izrada kolektivnih promotivnih materijala i
- priprema i organizacija kolektivnih nastupa na sajmovima, privrednim susretima i manifestacijama, a sve u cilju promocije domaće privrede, domaće proizvodnje i domaćih proizvoda.

Pravo na dodjelu sredstava poticaja za realizaciju projekata, imaju komore i udruženja:

- čije je sjedište na području Zeničko-dobojskog kantona,
- koji su registrovani prema Zakonu o privrednim komorama u Federaciji BiH (»Službene novine Federacije BiH«, broj: 35/98, 34/03), Zakonu o obrtu i srodnim djelatnostima (»Službene novine Federacije BiH«, broj: 35/09 i 42/11) i Zakonu o udruženjima i fondacijama (»Službene novine Federacije BiH«, broj: 45/02),
- čije dominantne aktivnosti su vezane za djelatnosti iz nadležnosti Ministarstva za privredu Zeničko-dobojskog kantona,
- projekti su direktno usmjereni na unapređenje potencijala i promociju privrede Zeničko-dobojskog kantona.

Organizacija primatelj: Privredna udruženja i komore sa sjedištem u Zeničko-dobojskom kantonu

Kriteriji: Ministarstvo će raspisati javni poziv za dodjelu sredstava, u skladu sa Uputstvom za dodjelu sredstava u 2025. godini na koji Vlada Zeničko-dobojskog kantona daje saglasnost, članom 34. stav (2) Zakona o izvršavanju Budžeta Zeničko-dobojskog kantona za 2025. godinu, koristeći Smjernice o minimalnim standardima dodjele budžetskih sredstava putem transfera i subvencija (»Službene novine Federacije BiH«, broj: 37/24), u mjeri u kojoj je primjenjivo, Javni poziv će, u skladu sa Uputstvom za dodjelu sredstava u 2025. godini, tačkom 26.c. Smjernica o minimalnim standardima dodjele budžetskih sredstava putem transfera i subvencija, sadržavati pisane kriterije na osnovu kojih će se izvršiti dodjela sredstava, sve u cilju efikasne, ekonomične i efektivne upotrebe budžetskih sredstava.

6. SUBVENCIONIRANJE ADMINISTRATIVNIH TROŠKOVA KOD IZGRADNJE PROIZVODNIH OBJEKATA

Indikator: Površina izgrađenog proizvodnog prostora, broj novih radnih mjesta kao rezultat investicije, povećanje prihoda.

Iznos: 450.000,00 KM

Svrha: U cilju intenziviranja investicija u područje proizvodnih djelatnosti, a samim tim zapošljavanja i razvoja, Vlada Kantona će subvencionirati dio troškova investitora (naknade za građevinsko zemljište, naknade za pretvaranje poljoprivrednog u građevinsko zemljište, priključne takse (vodosnabdijevanje, električna energija, grijanje, plin, telefon i dr.), administrativne, sudske i druge takse, naknade za rad komisija).

Radi obavještanja korisnika o mogućnostima dobijanja sredstava poticaja, javni poziv se objavljuje na službenoj web stranici Kantona.

Organizacija-primatelj: Privredna društva registrovana za obavljanje proizvodnih djelatnosti u Zeničko-dobojskom kantonu, koja su proizvodni objekt izgradili na području Zeničko-dobojskog kantona.

Kriteriji: Ministarstvo će raspisati javni poziv za dodjelu sredstava, u skladu sa Uputstvom za dodjelu sredstava u 2025. godini na koji Vlada Zeničko-dobojskog kantona daje saglasnost, članom 34. stav (2) Zakona o izvršavanju Budžeta Zeničko-dobojskog kantona za 2025. godinu, koristeći Smjernice o minimalnim standardima dodjele budžetskih sredstava putem transfera i subvencija (»Službene novine Federacije BiH«, broj: 37/24), u mjeri u kojoj je primjenjivo, Javni poziv će, u skladu sa Uputstvom za dodjelu sredstava u 2025. godini, tačkom 26.c. Smjernica o minimalnim standardima dodjele budžetskih sredstava putem transfera i subvencija, sadržavati pisane kriterije na osnovu kojih će se izvršiti dodjela sredstava, sve u cilju efikasne, ekonomične i efektivne upotrebe budžetskih sredstava.

7. MEDIJSKA PROMOCIJA PRIVREDE, PROIZVODNJE I PROIZVODA - KAMPANJA KUPUJMO DOMAĆE

Indikator: Promocija domaće privrede, proizvodnje i domaćih proizvoda

Iznos: 80.000,00 KM

Svrha: U cilju promocije domaće privrede, domaće proizvodnje i domaćih proizvoda Vlada Kantona će finansirati troškove promocije različitih aktivnosti u realizaciji mjera.

Organizacija-primatelj: Privredni subjekti koji se bave istraživanjem tržišta, promocijom, reklamom i propagandom.

Kriteriji: Ministarstvo će raspisati javni poziv za dodjelu sredstava, u skladu sa Uputstvom za dodjelu sredstava u 2025. godini na koji Vlada Zeničko-dobojskog kantona daje saglasnost, članom 34. stav (2) Zakona o izvršavanju Budžeta Zeničko-dobojskog kantona za 2025. godinu, koristeći Smjernice o minimalnim standardima dodjele budžetskih sredstava putem transfera i subvencija („Službene novine Federacije BiH“, broj: 37/24), u mjeri u kojoj je primjenjivo, Javni poziv će, u skladu sa Uputstvom za dodjelu sredstava u 2025. godini, tačkom 26.c. Smjernica o minimalnim standardima dodjele budžetskih sredstava putem transfera i subvencija, sadržavati pisane kriterije na osnovu kojih će se izvršiti dodjela sredstava, sve u cilju efikasne, ekonomične i efektivne upotrebe budžetskih sredstava.

8. OSIGURANJE KREDITA POD POVOLJNIJIM USLOVIMA

Indikator: Povećanje proizvodnje, novo upošljavanje i očuvanje postojećih radnih mjesta

Iznos: 300.000,00 KM

Svrha: Kreditiranje subjekata MSP koja imaju sjedište u Zeničko-dobojskom kantonu omogućava da putem odabrane banke osiguraju finansijska sredstva pod povoljnijim kreditnim uslovima (uz subvenciju kamatne stope na kreditna sredstva, ugovoreni grace period, manju ugovorenu kamatnu stopu – EX i troškove obrade kredita) čija namjena je osiguranje tekuće likvidnosti, produktivnije poslovanje i rast privredne aktivnosti, nabavka osnovnih sredstava i investicije (dugoročna 5 financiranja) i finansiranja za trajna obrtna sredstva što omogućava povećanje proizvodnje, novo upošljavanje i očuvanje postojećih radnih mjesta.

Organizacija-primatelj: Komercijalna banka

Kriteriji: Ministarstvo će raspisati javni poziv za dodjelu sredstava, u skladu sa Uputstvom za dodjelu sredstava u 2025. godini na koji Vlada Zeničko-dobojskog kantona daje saglasnost, članom 34. stav (2) Zakona o izvršavanju Budžeta Zeničko-dobojskog kantona za 2025. godinu, koristeći Smjernice o minimalnim standardima dodjele budžetskih sredstava putem transfera i subvencija („Službene novine Federacije BiH“, broj: 37/24), u mjeri u kojoj je primjenjivo, Javni poziv će, u skladu sa Uputstvom za dodjelu sredstava u 2025. godini, tačkom 26.c. Smjernica o minimalnim standardima dodjele budžetskih sredstava putem transfera i subvencija, sadržavati pisane kriterije na osnovu kojih će se izvršiti dodjela sredstava, sve u cilju efikasne, ekonomične i efektivne upotrebe budžetskih sredstava.

Rb	NAZIV PROGRAMA	Iznos sredstava /KM/
1.	PROGRAM RAZVOJA KONKURENTNOSTI PRIVREDE/GOSPODARSTVA	2.000.000,00
2.	RAZVOJ TURISTIČKE INFRASTRUKTURE, TURISTIČKIH DESTINACIJA I PONUDE	900.000,00
3.	SUBVENCIONIRANJE PROJEKATA RAZVOJNIH AGENCIJA	100.000,00
4.	SUBVENCIONIRANJE ORGANIZACIJE I UČEŠĆA NA MEĐUNARODNIM SAJMOVIMA, PRIVREDNIM SUSRETIMA I MANIFESTACIJAMA	400.000,00
5.	SUBVENCIONIRANJE PROJEKATA UDRUŽENJA I KOMORA	70.000,00
6.	SUBVENCIONIRANJE ADMINISTRATIVNIH TROŠKOVA KOD IZGRADNJE PROIZVODNIH OBJEKATA	450.000,00
7.	MEDIJSKA PROMOCIJA PRIVREDE, PROIZVODNJE I PROIZVODA - KAMPANJA KUPUJMO DOMAĆE	80.000,00
8.	OSIGURANJE KREDITA POD POVOLJNIJIM USLOVIMA	300.000,00
UKUPNO:		4.300.000,00

IV NAČIN I ROKOVI IZVJEŠTAVANJA

O utrošku sredstava po ovom Programu, Ministarstvo za privredu dužno je polugodišnje izvještavati Vladu Zeničko-dobojskog kantona.

Broj: 02-11-11011/25

Datum, 30.05.2025. godine

Zenica

PREMIJER
po ovlaštenju

Dženana Čišija

DOSTAVLJENO:

1x Ministarstvo za privredu/gospodarstvo,

1x Ministarstvo finansija,

1x „Službene novine Zeničko-dobojskog kantona“,

1x a/a